

ՀՈՐԵԼՅԱՆԱԿԱՆ ՆՍՏԱՇՐՋԱՆՆԵՐ

Հեղափոխության լեգենդար հերոս, լենինյան գվարդիայի հավատարիմ զինվոր Կամոյի (Սիմոն Տեր-Պետրոսյան, 1872—1922) ծննդյան 90-ամյակին էր նվիրված մայիսի 29-ին Սունդուկյանի անվան պետական ակադեմիական թատրոնում կայացած համատեղ հանդիսավոր նիստը, որը կազմակերպել էին ՀԿԿ քաղաքային կոմիտեն և ՍՄԿԿ Կենտկոմին առընթեր մարքսիզմ-լենինիզմի ինստիտուտի հայկական մասնաճյուղը։ Այստեղ էին հավաքվել մայրաքաղաքի հասարակայնության ներկայացուցիչներ, Անդրկովկասի հեղափոխական շարժման մասնակիցներ, գիտության, գրականության ու կուլտուրայի գործիչներ։

Հանդիսավոր նիստը ներածական խոսքով բացեց ՀԿԿ քաղկոմի առաջին քարտուղար Լ. Պ. Ղարիբջանյանը։ Նա նշեց Կամոյի անսահման նվիրվածությունը կոմունիստական կուսակցությանն ու լենինի մեծ գործին։ Իր պարզ, հմայիչ ու անմիջական բնավորությամբ, հարուստ ներաշխարհով Կամոն ժամանակին արժանացել է լենինի ու նրա զինակիցների բարձր վստահությանը։ Աշխատելով ու գործելով ընդհատակի պայմաններում, պրոֆեսիոնալ հեղափոխական Կամոն կուսակցական պատասխանատու հանձնարարությունները կատարել է արտակարգ խիզախությամբ ու բարձր կարգապահությամբ։

Կամոյի կյանքի և հեղափոխական գործունեության մասին զեկուցումով հանդես եկավ ՀԿԿ Կենտկոմի պրոպագանդայի և ագիտացիայի բաժնի վարիչ Կ. Լ. Դալլաքյանը։ Կամոյի կյանքը հեղափոխության փոթորիկներում ծնված մի լեգենդ է, իրական հեքիաթ, ասաց նա։ Վեց ձերբակալություն, 13 տարի տառապանքներ բանտերում և ոստիկանական զննանքներում, հինգ վերք՝ բարիկադային կռիվներում և պարտիզանական մարտերում, մահվան դատավճիռ, տասնյակ տարիներով տաժանակրության և բանտարկության դատապարտվածություն։ ահա Կամոյի խիզախումներով լի կյանքի համառոտ թվարկումը։

1901 թ. 19-ամյա Կամոն, զինվորագրվելով կոմունիստական կուսակցությանը, Թիֆլիսի կոմիտեի հանձնարարությամբ կուսակցական պատասխանատու հանձնարարություններ կատարելիս բացառիկ խիզախություն է հանդես բերել։

«Դժվարությամբ էին հավատում, — դրել է Մ. Դորկին, — որ մարդն ունակ լիներ իր մեջ համարությամբ մի խումբ հեղափոխականների հետ մարձակությունը աշխատանքում անփոփոխ հաջողության հետ և աննման հավատարմությունը հոգու մանկական պարզության հետ»։

1903 թ. Կովկասյան միության հանձնարարությամբ մի խումբ հեղափոխականների հետ Կամոն կազմակերպում է Թիֆլիսի կոմիտեի տպարանը, ապա՝ Կովկասյան միության Հավլաբարի տպարանը և ամբողջովին նվիրվում մարքս-լենինյան գրականության հրատարակման ու տարածման գործին։

Հեղափոխության մեծ առաջնորդ Վ. Ի. Լենինի հետ անմիջական ծանոթությունը խոշոր իրադարձություն էր Կամոյի կյանքում, լենինի հետ ունեցած զրույցները հեղափոխության, կոնսպիրատիվ աշխատանքի, կուսակցության խնդիրների մասին մի ամբողջ դպրոց էին կամոյի համար։ «Ես հիմնավոր կերպով ճանաչում եմ մի ընկերոջ որպես միանգամայն բացառիկ նվիրվածության, խիզախության և եռանդի տեր մարդու», — այսպես է բնութագրել Վ. Ի. Լենինը Կամոյին։

1906—1912 թթ. Կամոյի հեղափոխական գործունեությունը կապված էր արտասահմանյան հետ։ Նա եղել է եվրոպական մի շարք երկրներում՝ Գերմանիայում, Ֆրանսիայում, Ավստրիայում, Իտալիայում, Սկանդինավյան երկրներում, Բալկաններում, Թուրքիայում և այլուր, կապեր հաստատել տեղի սոցիալ-դեմոկրատների հետ, մեծ աշխատանք կատարել հեղափոխության ջոկատների համար զենք և զինամթերք ձեռք բերելու ուղղությամբ։ Բանտն ու աքսորը շթուլացրին նրա հոգու արիությունն ու եռանդը։ Հեղափոխության տարեգրության մեջ առմիշտ գրվեց գրեթե մարդկային ուժերից վեր նրա հերոսությունը բեռլինյան բանտում։

Հոկտեմբերյան հեղափոխությունից հետո Կամոն իր ամբողջ ուժն ու եռանդը նվիրարեց Անդրկովկասում սովետական իշխանության հաստատման ու ամրապնդման գործին։

Կամոյի ստեղծագործական հմտությունները, արտակարգ խիզախությունը, երկաթյա կամքը, բարձր կարգապահությունը, անսահման նրվիրվածությունը կոմունիստական կուսակցու-

թյանն ու մեծ լենինի գործին կոմունիզմ կառուցող երիտասարդ սերնդի դաստիարակության համար ոգեշնչման ու խիզախումների անսպառ աղբյուր են:

* * *

Հունիսի 12-ին Մոսկվայում, ՍՍՀՄ հեղափոխության լենինի շքանշանակիր կենտրոնական թանգարանում, տեղի ունեցավ հանդիսավոր նիստ՝ նվիրված Կաժոյի ծննդյան 90-ամյակին:

Հանդիսավոր նիստին ներկա էին հեղափոխական շարժման վետերաններ, գիտնականներ, ՍՍՀՄ Գերագույն սովետի նախագահության ան-

դամ Ա. Միկոյանը, Սովետական Միության մարշալ Հ. Բաղրամյանը, Մոսկվայում Հայկական ՍՍՀ մշտական ներկայացուցիչ Ս. Մելքումյանը, հին բոլշևիկներ:

Նիստը բացեց թանգարանի գիտնական քարտուղար Խ. Կասպերանսկին: Կաժոյի կյանքի և հեղափոխական գործունեությանը նվիրված զեկուցումով հանդես եկավ ՀՍՍՀ ԳԱ ակադեմիկոս Գ. Ղարիբջանյանը: Այնուհետև Կաժոյի մասին իրենց հուշերով հանդես եկան Ի. Պալախաձեն, Ա. Միկոյանը, Ա. Լիտվեյկոն:

Գ. ՄԱՆՈՒԿՅԱՆ

1972 թ. մարտի 20—25-ը լենինգրադի Պետական էրմիտաժում կայացավ ակադ. Հ. Օրբելու հիշատակին նվիրված կոնֆերանս՝ «Մերձավոր Արևելք, Կովկաս, Միջին Ասիա. մշակույթների փոխադարձ կապի պրոբլեմը միջնադարում» թեմայով: Կոնֆերանսի աշխատանքներին մասնակցեցին Սովետական Միության տարբեր քաղաքներից ժամանած բազմաթիվ մասնագետներ, որոնք ղեկուցումներ կարդացին ճարտարապետության, գրականության, արձանագրագիտության, կնքագիտության, տնտեսական և առևտրական կապերի, մշակութային փոխհարաբերությունների և այլ հարցերի մասին, որոնք այս կամ այն չափով հանդիսացել են Հ. Օրբելու նախասիրությունների առարկան:

Կոնֆերանսը ներածական խոսքով բացեց էրմիտաժի ղիբլետոր, ադակեմիկոս Բ. Ս. Պիոտրոսևիչը: Նա մանրամասն ու հանգամանալից խոսեց էրմիտաժում արևելագիտության ստեղծման ու զարգացման, այդ գործում Հ. Օրբելու խաղացած մեծ դերի մասին:

Ստորև համառոտակի կթվարկենք կոնֆերանսի մասնակիցների ղեկուցումներում առաջ քաշված հարցերը:

Բ. Մաշալը (լենինգրադ) «Սասանյան տորևտիկայի դպրոցներից մեկի մասին» ղեկուցման մեջ ուսումնասիրության առարկա էր դարձրել սասանյան շրջանի արձաթե անոթների պատկերազրույթները: Ելակետ ունենալով Հ. Օրբելու կարծիքը այն մասին, որ խնդրո առարկա անոթները չի կարելի վերագրել միասնական ոճի զարգացման տարբեր էտապների, այլ պետք է համարել տարբեր դպրոցների ոճի արդյունք, Բ. Մաշակը կանգ առավ այդ դպրոցներից մեկի արտադրանքի նմուշների՝ որսի տեսարաններով ափսեների (III—VI դդ.) վրա:

Տ. Իզմայլովայի (լենինգրադ) «Անիի

1298 թ. պատկերազարդ ձեռագիրը» վերնագիրը կրող ղեկուցումը նվիրված էր Նղբայրիկ անունով գրչի արտագրած և ծաղկող հաշատուրի կողմից պատկերազարդված ավետարանին (Արևելագիտության ինստիտուտի լենինգրադի բաժանմունք, N B 44): Համեմատության մեջ դրնելով նրա մի շարք մանրանկարները Մատենադարանի N 4052 ձեռագրի (Արճեշ, 1303 թ.) մանրանկարների հետ, նա գալիս է այն եզրակացության, որ հաշատուրը Արճեշի դրչության կենտրոնից էր և, աշխատելով Անիում, կրել է քաղաքային միջավայրի ազդեցությունը:

Է. Կոբլյուզնի (Երևան, Մատենադարան) ղեկուցումը կրում էր «XIV—XV դդ. Ղրիմում աշխատած հայ մանրանկարիչների արվեստի մասին» վերնագիրը: Համառոտակի կանգ առնելով Ղրիմի հայ գաղութի պատմության վրա, ղեկուցողը ցույց տվեց, որ ազգային դարավոր ավանդույթներին հետևող հայ մանրանկարիչները տեղում կրեցին նոր միջավայրի, նոր հարևանների՝ հույների և իտալացիների արվեստի ու մշակույթի որոշակի ազդեցությունը:

Մ. Գուրևիկը (Մոսկվա) «XII—XIII դդ. մերձավորարևելյան և միջինարևելյան մանրանկարչության պատկերազրույթի ծագման մի քանի հարցեր» ղեկուցման մեջ խոսեց մուսուլմանական մանրանկարչության մեջ մարդու պատկերման մասին:

Ո. Գալերեկևան (լենինգրադ) հանդես եկավ «Մանրանկարչության Հերաթի և Մավերաննահրի (միջինասիական) դպրոցների փոխադարձ կապերի մասին» թեմայով և ցույց տվեց, որ XV դ. հերաթյան մանրանկարչությունը, որը արևելյան միջնադարի ղեկավարված տական մշակույթի ղերագույն նվաճումների համադրություն էր, XVI դ. ևս շարունակում էր հսկայական ազդեցություն ունենալ սահմանակից երկրների, այդ

թվում նաև Մավերաննախրի նկարչության դար-
դացման վրա:

Ս. Խան-Մազմեզովը (Մոսկվա) իր «Դա-
ղըստանյան լաբիրինթոսները» զեկուցման մեջ
ուսումնասիրության առարկա էր դարձրել քա-
րերի, դրամների վրա գծագրված, դրոշմված լա-
բիրինթոսները, նրանց սիմվոլիկ, պաշտամուն-
քային, գործնական և օրնամենտալ նշանակու-
թյունը, վերլուծության ենթարկելով նաև նրանց
նրկրաչափական յուրահատկությունները:

Ա. Իվանովը (Լենինգրադ) «Կուբաչիի բարձ-
րաքանդակները, նրանց պատմությունը և ու-
սումնասիրության հեռանկարները» վերնադիրը
կրող զեկուցման մեջ նշեց, որ դեռևս 1938 թ.
Հ. Օրբելին առաջ էր քաշել Դաղստանի X—
XIV դդ. թվագրվող խնդրո առարկա բարձրա-
քանդակների՝ Աղվանքի արվեստի հետ ունեցած
սերտ կապի հարցը: Առաջնային խնդիր համա-
րելով նշված բարձրաքանդակների ճիշտ թվա-
գրման անհրաժեշտությունը, զեկուցողը նշեց
նաև դրանց վրա իրանական, անգամ շինական
ազդեցության առկայությունը:

Վ. Վուրմինյան (Մոսկվա), որի զեկուցման
թեման էր՝ «Ինժեներական մտքի զարգացումը
Միջին Ասիայում», խոսեց ժամանակակից Իրա-
նի, Աֆղանստանի և Միջին Ասիայի տարածքի
վրա ապրող ժողովուրդների միջնադարյան շի-
նարարական ընդհանուր ավանդույթների մա-
սին, ցույց տվեց, որ շինարարական տեխնիկա-
յի զարգացման ընդհանուր տեղեկությունները չէին
բացասում տեղական դպրոցների հանդես գալուն,
որոնք բարձր զարգացման հասան հորասանում,
Մավերաննախրում և այլուր:

Բ. Պուգաչենկովայի (Տաշքենդ) «Միջինա-
սիական խանականների ճարտարապետական տի-
պոլոգիայի շուրջը» թեմայով զեկուցումը նվիր-
ված էր հիմնականում սուֆիզմի զարգացման
հետ կապված խանականների՝ դերվիշների աս-
պընչականոցների Միջին Արևելքում հանդես գա-
լու հարցին:

Ի. Բուրդոնյան (Մոսկվա) «IX—XII դդ. մի-
ջինասիական և իրանական մզկիթների կոմպոզի-
ցիոն յուրահատկությունները» զեկուցման մեջ
նշեց, որ «արարական» հատակագծով կառուց-
ված մզկիթների կողքին գոյություն ունեին միա-
գմբեթ, քառակուսի հատակագծով բազմագմբեթ
մզկիթներ և այլն, որոնք շուրեն կոմպոզիցիոն-
հատակագծային իմաստով իրենց զուգահեռները
Իրանի, Ադրբեջանի և Թուրքիայի ճարտարապե-
տության մեջ, ուստի ենթադրվում է, որ ծագել
են տեղական հողի վրա՝ շարունակելով նախաիս-
լամական ժամանակաշրջանի ճարտարապետա-
կան ավանդույթները:

Ա. Պրիբիտկովայի (Մոսկվա) զեկուցումը
վերնագրված էր՝ «Հյուսիսային հորասանի ճար-

տարապետությունը»: Համեմատելով Հյուսիսային
հորասանի և Իրանի ճարտարապետությունը, նա
ցույց տվեց, որ այն ընդհանուր առմամբ ընթա-
ցել է նույն հունով: IX—X դդ. լայն տարածում
են գտնում դամբարանները, որոնք ծագում են
սասանյան շրջանի շորտակներից:

Հ. Խալիլախչյանը (Մոսկվա) «Սանահնի հու-
շարձանների ուսումնասիրությունը, վերակառու-
ցումը և ճարտարապետական անսամբլի ձևա-
վորման էտապները» զեկուցման մեջ հանգամա-
նորեն կանգ առավ Կյուրիկյանների Տաշիր-Ձո-
րագետի թագավորության հիմնադրման պատ-
մության վրա, խոսեց նոր պետության համար
Սանահնի հոգևոր և լուսավորական կենտրոն
դառնալու պատմության, Սանահնում կրոնական
և քաղաքացիական շինարարության, առանձին
շինությունների ձևափոխման պատճառների,
ճարտարապետների և շինարարության ժամանա-
կագրական հաջորդականության մասին:

Ն. Տոկարսկին (Լենինգրադ) «Ամբերդի
ճարտարապետության մի քանի հարցեր» թեմա-
յով զեկուցելիս հանգամանորեն խոսեց դեռևս
1936 թ. Հ. Օրբելու կողմից հնագիտական պե-
ղումների ենթարկված Ամբերդի ճարտարապե-
տական հուշարձանների մասին:

Ս. Կակաբաձեն (Լենինգրադ) իր «Վրաս-
տանի վաղբրիստոնեական ճարտարապետության
մի քանի հարցեր» զեկուցման մեջ նշեց, որ
Վրաստանում եկեղեցական ճարտարապետության
մեջ պաշտամունքային իմաստով գլխավոր նշա-
նակություն ունեն խորանը, որի զարգացումն
ընթացել է միախորանից եռախորանը: Զեկուցո-
ղը հիմնականում կանգ առավ խորանի զարգաց-
ման էտապների վրա և դրա հիման վրա հարց
բարձրացրեց վերանայելու Վրաստանի վաղ-
բրիստոնեական ճարտարապետության թվագրու-
մը:

Գ. Բալաշովան (Լենինգրադ) ելույթ ունե-
ցավ «Նիզամիի պոեմի հերոսներ Ֆահրադն ու
Շիրինը հորասանի նախամոնղոլական շրջանի
խեցեղենի վրա» թեմայով, ուր ուսումնասիրու-
թյան էր ենթարկել 1960 թ. հնագիտական պե-
ղումների ժամանակ հայտնաբերված՝ XII—
XIII դդ. թվագրվող սափորի էպիկական մոտիվ-
ներով պատկերագրությունը:

Ն. Գրաժդանկինայի (Տաշքենդ) զեկուցման
թեման էր «Խորեզմի և իրանա-ադրբեջանական
խեցեգործների արտադրական կապերը XII դ. և
նրանց ազդեցության հետքերը Միջին Ասիայի,
Պովոլժյեի և Հյուսիսային Կովկասի ճարտարա-
պետական հախճապակու ձևավորման վրա XV—
XVI դդ.»:

Յու. Միլլերը (Լենինգրադ), որի զեկուցումը
կրում էր «Խեցեղեն սպասքը ճարտարապետա-
կան շինությունների զարգացման մեջ» վերնա-

գիրը, նշեց, որ դեռևս 1911 թ. Հ. Օրբելին, ուսումնասիրելով Բայրերդի միջնաբերդը, շոշափել էր նրա արտաքին պարիսպների երեսպատման համար օգտագործված հախճապակե սալիկների, ափսեների, սկուտեղների և քրեղանների հարցը: Զեկուցողը դրանց զուգահեռներն է նկատում XII—XIII դդ. հուշարձաններում (Անի, Ամբերդ, Վրաստան, Տիվրիկ, Աքշեհիր): Ստեղծված լինելով Առաջավոր Արևելքում, շենքերի զարդարման այդ էլանակը տարածում գտավ բազմաթիվ երկրներում: Հ. Օրբելին ենթադրել է, որ այդ սալիկները, ափսեները և այլն դրվում էին շենքերի, բերդերի պատերին որպես թալիսմաններ: Միլլերը, ընդունելով հանդերձ այդ միտքը, դառնում է, որ դրանք ավելի շուտ դեկորատիվ նշանակություն ունենին:

Ու. Տեր-Ղևոնդյանի (Երևան, ԳԱ պատմության ինստիտուտ) «Ամբերդի արաբական արձանագրությունը» ղեկուցման նյութն էր Ամբերդի 1965 թ. հնագիտական պեղումների ժամանակ հայտնաբերված արաբական արձանագրությունը, որն ընթերցվում է. «Ամիրսպասալար Զաքարիա և Իվանե Աս-Սուրունի»: Զեկուցողը գտնում է, որ դա XII դ. վերջի և XIII դ. սկզբի Հայաստանի ու Վրաստանի քաղաքական և ռազմական նշանավոր գործիչներ Զաքարե և Իվանե Երկայնաբազուկների արձանագրությունն է: «Աս-Սուրունի» ընթերցումը վերականգնելով «Արծրունի» ձևով, ղեկուցողը ցույց տվեց, որ հիշյալ անձնավորությունները մոր կողմից իսկապես Արծրունիներ էին:

Հ. Բաբրիկյանը (Երևան, ԳԱ պատմության ինստիտուտ) «Բյուզանդական «Դիդենիս Ակրիտաս» էպոսը և «Սասունցի Դավիթը» վերնագրով ղեկուցման մեջ, հենվելով մի շարք փաստերի, այդ թվում և երկու էպոսների քաղաքական տրամագծորեն հակառակ դիրքավորման վրա, խոսեց այն մասին, որ «Դիդենիս Ակրիտասի» և «Սասունցի Դավիթի» միջև որևէ աղերս դոյություն չունի:

Վ. Շանդրովսկայան (Լենինգրադ) «Փիլարտոս Վարաժնունու (XI դ.) էրմիտաժում պահվող արձիճե կնիքները» ղեկուցման մեջ նշեց, որ էրմիտաժում պահվող բյուզանդական շուրջ 12000 արձիճե կնիքներից մի քանի տասնյակը պատկանում են X—XII դդ. բյուզանդական ծառայության մեջ գտնվող հայազգի նշանավոր գործիչներին: Մասնավորապես նա խոսեց XI դ. 70—80-ական թթ. Մարաշում հաստատված իշխան Փիլարտոս Վարաժնունու կնիքների մասին, որոնց վրա նշված են ո՛չ միայն տիրոջ անունը, այլև տիտղոսները:

Ա. Կակովկինը (Լենինգրադ) հանդես եկավ

«Միջնադարյան Հայաստանի զեղարվեստական արձայնա իրերի վրա հանդես եկող արևմտյան պատկերազրույթյան տարրերի մասին» թեմայով: Նշելով խնդրո առարկա իրերի պատկերազրույթյան վրա նկատվող արևմտյան տարրերի վերաբերյալ Հ. Օրբելու և Ս. Տեր-Ներսեսյանի կարծիքը, հատուկ ուսումնասիրության նյութ էր դարձրել էրմիտաժում պահվող 1293 թ. Սկևոայի մասնատուփի Պողոս առաքյալի դրվագված պատկերը, Երուսաղեմի հայոց պատրիարքարանի 1334 թ. Սսի ձեռագրի, Մատենադարանի № 7691 ձեռագրի, Երուսաղեմի պատրիարքարանի 1557 թ. Խիզանի ձեռագրի արձայնա կազմերի պատկերները:

Ա. Նուրիևը (Բաքու) «Աղվանքի տարածքի վրա հայտնաբերված դրսից ներմուծված առարկաներ» վերնագիրը կրող ղեկուցման մեջ խոսեց հնագիտական պեղումների ժամանակ Մինգեչաուրում, Թորփաքլայում, Խընըսլըում, Շերգյախում հայտնաբերված խեցուց, ապակուց, մետաղից, քարից պատրաստված առարկաների, կնիքների, զարդերի մասին, որոնք իր կարծիքով պատրաստվել են սասանյան իրանում, Մերձավոր ու Միջին Արևելքում և վկայում են այդ երկրների հետ Աղվանքի տնտեսական ու մշակութային սերտ կապերի մասին:

Ռ. Գեյուշևի (Բաքու) համոզմամբ քրիստոնեությունը մուտք է գործել Աղվանք I—II դդ. ուղղակի Ասորիքից, շրջանցելով Հայաստանը: Նրա ղեկուցումը վերնագրված էր՝ «Աղվանից եկեղեցու կազմակերպման և զարգացման հիմնական էտապները»: Աղվանքի եկեղեցական կազմակերպության սկիզբը նրա կարծիքով համընկնում է Վաչագանի կողմից Աղուենում գումարված 488 թ. եկեղեցական ժողովի ժամանակին: VII դ. աղվանից հոգևորականության մեջ իբր առաջանում է երկու հոսանք, որոնցից մեկը հակված էր դեպի Բյուզանդիա և քաղկեդոնականություն, մյուսը՝ դեպի Սասանյանները և միաբնակություն:

Կոնֆերանսում ղեկուցումներով հանդես եկան նաև Ի. Օրբելին (Լենինգրադ)՝ «Վրացահոսական զուգահեռներ XVIII դարի առաջին կեսի պատմազրույթյան մեջ», Ն. Նեղմատովը (Դուշանբե)՝ «Ռուստրուշանի արվեստի հուշարձանների մի քանի սյուժեների մասին», Ս. Լուկնան (Տաշքենդ)՝ «Միջնադարյան Մերվի մշակութային կապերի մի քանի ասպեկտներ» և Ս. Պեզեներ (Մոսկվա)՝ «Միջնադարյան Եգիպտոսի մշակութային փոխհարաբերությունների մի քանի հարցեր»:

Պատմ. գիտ. դոկտոր Հ. ԲԱՐԹԻԿՅԱՆ

* * *

Հայկական ՍՍՀ ԳԱ նախագահությունը 1969 թ. հուլիսի 31-ին որոշում ընդունեց շորս տարին մեկ անգամ Խորոս Թորամանյանի անվան մրցանակաբաշխություն անցկացնել հայկական ճարտարապետության պատմության հարցերին նվիրված լավագույն ուսումնասիրության համար: Ըստ այդ որոշման՝ մրցանակաբաշխությունը պետք է նախորդի Խորոս Թորամանյանի հիշատակին նվիրված գիտական նըստաշրջան, ուր պետք է զեկուցումներ լսվեն հայ ճարտարապետության պատմությանը վերաբերող խնդիրների շուրջ:

Անդրանիկ նստաշրջանը տեղի ունեցավ այս տարվա մայիսի 23—24-ին: Այն կազմակերպել էր Հայաստանի ԳԱ հասարակական գիտությունների բաժանմունքը և արվեստի ինստիտուտը: Բացելով նստաշրջանը ԳԱ հասարակական գիտությունների բաժանմունքի ակադեմիկոս-քարտուղար Մ. Աղայանը նշեց, որ Խորոս Թորամանյանին է պատկանում հայկական ճարտարապետության առաջին ուսումնասիրողի պատիվը: Նա առաջինն էր, որ գիտականորեն ապացուցեց հայկական ճարտարապետության ինքնատիպությունն ու նրա կազմավորման ակունքները: Եվ նրա հիշատակին նվիրված նըստաշրջանի ու մրցանակի հաստատման փաստը, որ մեծ գիտնականի անգնահատելի վաստակի վկայությունն է, միաժամանակ հայկական ճարտարապետության ուսումնասիրության գործի կարևորության ճանաչումն է:

Ճարտարապետության դոկտոր Վ. Հովհաննիսյանի (Երևան) զեկուցումը նվիրված էր «Խորոս Թորամանյանը հայ ճարտարապետության գիտական ուսումնասիրության հիմնադիր» թեմային: Խորոս Թորամանյանից առաջ էլ եղել են հայ ճարտարապետության պատմությանը նըվիրված ուսումնասիրություններ, սակայն նրանցում չկա մի ընդհանուր կարծիք՝ խարսխված գիտական խոր ու ճշգրիտ վերլուծության վրա: Այս իմաստով Թ. Թորամանյանը, Ն. Մառի խոսքերով ասած, իրավամբ ճարտարապետության լեզվի առաջին ուսուցիչն է: Զեկուցողն անդրադարձավ նաև հուշարձանների վերանորոգմանը վերաբերող մեթոդոլոգիական այն ըսկըզբունքներին, որ մշակել ու առաջադրել է Թ. Թորամանյանը իր հնագիտական բազսամյա փորձով՝ սկսած Անիի նշանավոր հետազոտություններից:

Ճարտարապետության դոկտոր Վ. Հալուխյանը (Երևան) «Պատմական հայ ճարտարապետության ուսումնասիրության ետթորամանյանական շրջանը» զեկուցման մեջ հանգամանորեն ներկայացրեց այն լայն ու բազմա-

կողմանի աշխատանքները, որ տարվում են Հայաստանի համապատասխան ինստիտուտներում ու հիմնարկներում: Անդրադառնալով հայրենական գիտնականների ուսումնասիրություններին, զեկուցողը ընդգծեց, որ դրանք անհամեմատ ընդարձակում են հայ ճարտարապետության պատմության ուսումնասիրության շրջանակները, խորացնում ինչպես ընհանուր, այնպես էլ մասնակի հարցերի ընդգրկումը:

Ճարտարապետության տեսության ու պատմության հարցերի ճիշտ լուսարանման մեջ ուճերի, ուղղությունների ու փոխազդեցությունների անսխալ գնահատման գործում առաջնահերթ նշանակություն ունի ճարտարապետության պարբերացումը: Խորոս Թորամանյանը առաջինն է զբաղվել այս խնդրով և դեռևս ներկա դարի առաջին տասնամյակում կազմել է, իսկ հետագայում՝ վերամշակել ու ճշգրտել միջնադարյան հայ ճարտարապետության վերելքների ու անկումների տեսությունը: Ըստ արժանվույն գնահատելով մեծ գիտնականի երախտիքը, պատմ. գիտ. դոկտոր Վ. Ղաֆառյանը (Երևան) իր «Հայաստանի ճարտարապետության պատմության պարբերացման հարցի շուրջը» զեկուցման մեջ միաժամանակ նշեց, որ ետթորամանյանական աշխատանքներում թեև կիրառվում են Թ. Թորամանյանի պարբերացման սկզբունքները, բայց և նկատելի են շեղումներ այդ տեսությունից: Զեկուցողը ընդգծեց, որ անհրաժեշտ է մշակել միասնական մի տեսություն, որն իր մեջ ընդգրկի նախնադարյան, ուրարտական, վաղ հայկական, ինչպես նաև միջնադարյան և ավելի ուշ ժամանակների հուշարձանները՝ իրենց դարաշրջանային հատկանիշներով, հաջորդականության կարգով:

Արվեստագիտության դոկտոր, ՀՍՍՀ արվեստի վաստակավոր գործիչ Ն. Տոկարսկին (Լենինգրադ) հանդես եկավ «Ճարտարապետության հազվագյուտ հուշարձան Անիի 1911 թ. պեղումներից» զեկուցումով: Նա ներկայացրեց հնագիտական 10-րդ գիտարշավի ժամանակ Անիում Աբուլ-Մամբրանի մեծ մինարեթի փլատակների մոտ պեղված եկեղեցու մնացորդները: Մասնագիտական խոր և մանրազնին ուսումնասիրությամբ մատնանշելով պեղված հուշարձանի ճարտարապետական հորինվածքի առանձնահատուկ գծերը, Ն. Տոկարսկին այն դասում է արդեն V—VI դդ. սահմանագլխին Հայաստանում հայտնի, այսպես կոչված՝ «գմբեթավոր սրահների» շարքը: Հենվելով որոշ առնչությունների ու նմանությունների վրա (աբսիդների սյունաշարեր, առագաստների բարդ ձևեր, սյուների հիմքերի կողավոր փորագրության սյուժեներ)՝

որ ունի պեղված հուշարձանը Անիի Գագիկ I-ի տաճարի հետ, զեկուցող համարում է այն ոչ ուշ, քան XI դարի առաջին կեսի կառուցվածք:

Շինարարական տեխնիկայի հարցերի լուսաբանումը նույնպես կապված է Թ. Թորմանյանի հետազոտած հնագույն՝ V—XIV դարերի հուշարձանների հետ: Գիտնականին է պատկանում այդ պրոբլեմի ուսումնասիրման առաջնությունը: Ճարտարապետության դոկտոր Հ. Ղալփախյանի (Մոսկվա) «Հին Հայաստանի շինարարական տեխնիկայի առաջին հետազոտողը» զեկուցման մեջ մանրամասն քննության առնվեցին շինարարական նյութերին, դրանց մշակման ու կիրառման եղանակներին, շինարարական գործիքներին ու կոնստրուկտիվ հնարանքներին վերաբերող հարցերը:

Շինարարական տեխնիկայի հարցերին էր նվիրված ճարտարապետ Յու. Թամանյանի (Երևան) «Ճարտարապետական հուշարձաններում անցյալում օգտագործված և վերականգնման աշխատանքներում կիրառված շինանյութերի առանձնահատկությունները» զեկուցումը:

Ախթամարի պատկերազրական համակարգի համեմատաբար քիչ ուսումնասիրված 4-րդ դիմաքանդակների և տոհմանշանների զոտու մասին մանրակրկիտ ու ուշագրավ զեկուցում կարդաց ճարտարապետության դոկտոր Ս. Մնացականյանը (Երևան): Ժխտելով այն կարծիքը, ըստ որի տվյալ զոտու վրա պատկերված դիմաքանդակները թատերական դիմակներ են, զեկուցողը ցույց տվեց, որ դրանք Արծրունի թագավորական և իշխանական տների ներկայացուցիչների դիմաքանդակներ են: Հորինվածքների մասնագիտական վերլուծության միջոցով նա հիմնավորեց այդ զոտու առանձնահատուկ դերը տաճարի գեղարվեստական մշակման ամբողջության մեջ:

Վաղ միջնադարի հայկական ճարտարապետության մեջ դրսևորված մոդուլային յուրահատուկ համակարգի առանձնահատկություններին էր նվիրված ճարտարապետության թեկնածու Ա. Սահիկյանի (Երևան) «Մոդուլային համակարգը էջմիածնի Մայր տաճարի V դարի դմբեթակիր կառուցվածքում» զեկուցումը: Հենվելով էջմիածնի Մայր տաճարի պեղումներից ստացված նոր նյութերի վրա, զեկուցողը զարգացրեց այն տեսակետը, ըստ որի կենտրոնազմբեթ կառուցվածքների հիմքում ընկած մոդուլային համակարգը Հայաստանում գոյություն է ունեցել առնվազն V դարում: Հետադաշտում կառուցողական այս սկզբունքը հանդես է գալիս Հայաստանի, ինչպես և Վրաստանի VI—VII դդ. կենտրոնազմբեթ զրեթե բոլոր կառուցվածքներում:

«Հայաստան V—VII դդ. դմբեթավոր եկեղեցիների նախագծման սկզբունքները» զեկուց-

ման մեջ ճարտարապետության թեկնածու Ա. Խրեմյանը (Երևան) նշեց, որ միջնադարյան Հայաստանում գոյություն են ունեցել նախագծման կատարելագործված ու կանոնիկ սկզբունքներ: Եկեղեցիների նախնական տեսքի վերականգնման ուղղությամբ կատարած իր ուսումնասիրություններից ելնելով, նա առաջադրեց կառուցվածքային մոդուլ, որի շնորհիվ, ունենալով հուշարձանի թեկուզ և ոչ ամբողջական հատակագիծը և ճակատներում մի քանի ծավալների իրական բարձրությունը, հնարավոր է վերականգնել հուշարձանի նախագիծը:

Ճարտարապետության թեկնածու Ա. Զարյանը (Երևան) խոսեց Եվրոպայում հայ ճարտարապետության ուսումնասիրության մասին և հատկապես այն երախտավոր գործի մասին, որ կատարում են Հոռմի և Միլանի ճարտարապետները, որոնցից երկուսի զեկուցումները կարդացվեցին նստաշրջանում: Ա. Ալաազո-Նովեյուն (Միլան) իր «Թանահատի բազիլիկան և պայտած կամարի խնդիրը վաղ միջնադարի հայ ճարտարապետության մեջ» զեկուցումով հաստատում է այն միտքը, որ Թանահատի (V դ.) ճարտարապետական մի շարք հատկանիշներ հնարավորություն են ընձեռում՝ մեկնաբանելու Արևմուտքի վաղ միջնադարի և հատկապես իտալական որոշ հուշարձաններ: Իսկ Պ. Կունեոն (Հոռմ) նստաշրջանին ներկայացրեց «Վաղ միջնադարի երկու նորահայտ բազիլիկաներ Վասպուրականում» զեկուցումը: Հուշարձանները հայտնաբերվել են Հոռմի համալսարանի միջնադարյան արվեստների ինստիտուտի մի քանի աշխատակիցների՝ 1970 թ. օգոստոսին պատմական Հայաստան կատարած գիտահետազոտական շրջագայության ժամանակ, Վանա լճի հարավարևմտյան ափերին Թուզ և Փաշվանց գյուղերում: Մասնագիտական վերլուծության ենթարկելով հուշարձանները, զեկուցողը թվագրեց դրանք V—VI դարերով:

Նստաշրջանի երեք նիստերում լսված 12 զեկուցումներից ամփոփեց արվեստի ինստիտուտի դիրեկտոր, արվեստագիտության դոկտոր Ռ. Զարյանը:

Մայիսի 31-ին Զվարթնոց տաճարի ավերակների մոտ տեղի ունեցավ Թ. Թորմանյանի անվան մրցանակաբաշխության առաջին մրցանակակրի՝ արվեստագիտության դոկտոր, Հայկական ՍՍՀ արվեստի վաստակավոր գործիչ Նիկոլայ Միխայլովիչ Տոկարսկու մեծարումն ու հուշամեդալի հանձնումը: Բացելով հանդիսավոր հավաքույթը, ՀՍՍՀ ԳԱ պրեզիդենտ Վ. Համբարձումյանը բարձր գնահատեց հայ ճարտարապետության պատմության մեջ Թ. Թորմանյանի դործն ու վաստակը, որ այսօր դարձել է դիտական գործունեության ուղեցույց և չափա-

նիշ: Հանձնելով հուշամեդալը Ն. Մ. Տոկարսկուն, նա շնորհավորեց հայ ճարտարապետության անխոնջ հետազոտողին այդ պատվավոր կոչմանն արժանանալու առթիվ:

Այնուհետև Ն. Տոկարսկու գիտական գործունեությանը նվիրված համառոտ զեկուցումով հանդես եկավ ՀՍՍՀ ԳԱ հասարակական գիտությունների բաժանմունքի ակադեմիկոս-քարտուղար Մ. Աղայանը: Ներկայացնելով ճարտարապետության բնագավառում Ն. Տոկարսկու մատուցած ծառայությունները, զեկուցողն ասաց, որ սկսելով աշխատանքները դեռևս 'յնիում, Ն. Մառի գլխավորած արշավախմբում, Ն. Տոկարսկին կես դարից ավելի է, ինչ մեկը մյուսի ետևից լույս է ընծայում իր ուսումնասիրությունները՝ նվիրված հայ ճարտարապետության պատմության հանգուցային խնդիրներին, շարունակում է Թ. Թորամանյանի մեծ

գործը և իր շուրջը երիտասարդ կադրեր համախմբելով առաջ մղում հայկական ճարտարապետության ուսումնասիրությունը:

Ն. Մ. Տոկարսկուն ողջունեցին արվեստի ինստիտուտի դիրեկտոր Ռ. Զարյանը, հնագիտության և ազգագրության ինստիտուտի դիրեկտոր Բ. Առաքելյանը, Հայաստանի ճարտարապետների միության նախագահի տեղակալ Լ. Ճորյանը, ՀԿԿ էջմիածնի շրջկոմի քարտուղար Ռ. Զաքոյանը, ուսուցիչ Հ. Դանդյանը:

Վերջում շնորհակալական խոսք ասաց Թ. Թորամանյանի անվան մրցանակաբաշխության առաջին մրցանակակիր Ն. Տոկարսկին և ԳԱ նախագահությանը հանձնեց Լենինգրադի Պետական էմիտաժի նվերը՝ Թ. Թորամանյանի երեք գծագրերը:

Վ. ԳՐԻԳՈՐՅԱՆ